

四庫全書

史部

欽定四庫全書

史部

御批歷代通鑑輯覽卷八十二

詳校官侍講臣王燕緒

編修臣裴謙覆勘

總校官進士臣程嘉謨

校對官學錄臣常循

膳錄監生臣馬錦

欽定四庫全書

御批歷代通鑑輯覽卷八十二

宋

欽宗皇帝

丙午靖康元年金哀宗完顏晟天會四年是年春正月

詔中外臣庶直言得失

自金師日逼屢下求言之詔事稍緩則陰沮抑之當

日有城門閉言路開城門開言路開之語

梁方平之師潰于黎陽金人遂渡河

韓里雅布破相濬二州

先是李郭至慶源府韓里雅布欲還郭藥師曰南朝未必

有備不如姑行從之至邯鄲遣藥師以二千騎前驅進破二州慶源府宋大觀中置今直隸趙州是

時方平帥禁旅屯黎陽河北岸金將達呼布

金史作洪郭達

呼布世居錫馨水達呼布舊作敵古本又作迪古補洪郭舊作黃摑錫馨舊作星顯今改

奄至

方平奔潰

河南守橋者望見金兵旗幟燒橋而遁

河北河東路制置副

使何灌帥兵二萬退保滑州官軍在河南者無一人

禦敵金人遂取小舟以濟凡五日騎兵方絕步兵猶

未渡也旋渡旋行無復隊伍金人笑曰南朝可謂無人若以一二千人守河我豈得渡哉遂破滑州何灌奔還

竄王黼于永州賜李彥死並籍其家放朱勔歸田里黼至雍邱盜殺之

黼聞金兵至不俟命載其孥以東詔貶為崇信軍節度副使永州安置吳敏李綱請誅黼事下開封尹聶

昌

本名山字貴遠撫州臨川人

昌遣武士躡及于雍邱南戕之民

王黼庸妄誤國
其罪已不容誅
況常時則怙寵
黷愼事急則挈
弩以逃豈大臣
休戚與共之誼
自當逮捕以肆
諸市朝為負恩
不忠者戒僅予
貶謫既罰不赦
辜及函首雍邱
猶託言盜殺欲
曲全馭下之體
欽宗之不足有
為即此可以現
之矣

家取其首以獻帝以初即位難于誅大臣託言為盜

所殺彥賜死並籍其家勸放歸田里

勸以花石取媚
流毒州郡者踰

二十年積官至寧遠軍節度使居蘇州公肆括克其
園池擬禁藥服飾器用上僭乘輿又託輓舟募兵數
十人擁以自衛聲歟薰灼東南部刺史郡守多出其
門哀人織夫候門奴事時謂東南小朝廷上皇末年
益親任之居中白事傳達上旨大畧如內侍進見不
避宮嬪一門盡為顯官騶僕亦至金紫天下為之扼
腕至是凡由勸
得官者皆罷

太上皇出奔亳州遂如鎮江

本潤州宋升為
府今隸江南

帝聞韓里雅布濟河下詔親征以蔡攸為太上皇帝

行宮使宇文粹中副之奉 upper 皇東行以避敵庚午 upper 皇如亳州于是百官多潛遁初童貫在陝西募長大少年號勝捷軍幾萬人以為親軍環列第舍及自太原還京適上皇南幸貫即以是軍自隨上皇過浮橋衛士攀望號慟貫惟恐行不速使親軍射之中而踣者百餘人道路流涕蔡京亦盡室南行為自全之計上皇尋至鎮江

以李綱為尚書右丞東京留守兼親征行營使京師戒

嚴

汴都戒嚴白時
中輩皆欲委棄
而去獨李綱力
主堅守之說持
義頗正及欽宗
以命將為問綱

宰執議請帝出幸襄鄧以避敵鋒行營參謀官李綱
曰道君皇帝挈宗社以授陛下委而去之可乎帝默
然白時中謂京城不可守綱曰天下城池豈有如都
城者且宗廟社稷百官萬民所在捨此欲何之今日
之計當整飭軍馬固結人心相與堅守以待勤王之
師帝問誰可將者綱曰白時中李邦彥等雖未必知
兵然藉其位號撫將士以抗敵鋒乃其職也時中勃

意中豈無一二
集侮之才可以
陳薦者且目擊
君父之難亦何
妨慷慨請陳乃
漫以時中邦彥
為對綱寧不知
二人之庸懦無
能尚倣冀其盡
職蓋由心嫉二
人故不覺欲置
之死地以觀其
憤事熟時危論
將不宜復參平
日好惡之私綱
固純臣此則不

然曰李綱莫能將兵出戰否綱曰陛下不以臣庸懦
僅使治兵願以死報乃以綱為尚書右丞東京留守
綱為帝力陳不可去之義會內侍奏中宮已行帝色
變倉卒降御榻曰朕不能留矣綱泣拜以死邀之帝
顧綱曰朕今為卿留治兵禦敵之事專責之卿勿致
疎虞綱惶恐受命宰臣猶請出幸不已帝從之明日
綱趨朝則禁衛擐甲乘輿已駕矣綱急呼禁衛曰爾
等願守宗社乎願從幸乎皆曰願死守綱入見曰陛

能免責備之議
笑

下已許臣留復戒行何也今六軍父子妻孥皆在都城願以死守萬一中道散歸陛下孰與為衛敵兵已逼知乘輿未遠以健馬疾追何以禦之帝感悟而止禁衛六軍聞之無不悅者皆拜伏呼萬歲乃命綱兼行營使以便宜從事綱治守戰之具不數日而畢金韓里雅布圍京師李綱力禦之金人來議和詔出內帑及括借士民金帛與之遣康王構及張邦昌

邦昌時為少宰

往為質

癸酉韓里雅布抵汴城據年駝岡

在開封府祥符縣西北宋時有天駝

監為養馬之所

帝召羣臣議之李邦彥

時白時中免邦彥為太宰

力請割

地求和李綱以為擊之便帝竟從邦彥計命駕部員

外郎鄭望之

字顧道彭城人

防禦使高世則

字仲貽遵裕從孫

使其

軍未至遇金使吳孝民來因與偕還是夜金人攻宣

澤門

汴河上北面水門名

李綱禦之斬獲百餘人金人知有備

又聞道君已內禪乃退甲戌孝民入見問納張穀事

令執送童貫譚稹詹度且曰上皇朝事已往不必計

今少帝與金別立誓書結好仍遣親王宰相詣軍前可也帝因求大臣可使者李綱請行帝不許而命李

稅

稅時同知樞密院

綱曰安危在此一舉臣恐李稅怯懦誤

國事也不聽遂命稅使金軍稅至斡里雅布盛兵南向坐稅北面再拜膝行恐怖喪膽失其所言斡里雅布謂之曰汝家京城破在頃刻所以歛兵不攻者徒以少帝之故欲存趙氏宗社我恩大矣今若欲議和當輸金五百萬兩銀五十萬兩牛馬萬頭表段百萬

匹尊金帝為伯父歸燕雲之人在漢者割中山太原河間三鎮之地而以宰相親王為質送大軍過河乃

退爾因出事目一紙付稅遣還稅等唯唯不敢措一

言乙亥

續綱目作丙子今從宋史欽宗紀改

稅與金使蕭三寶努

舊作三寶

奴今改

耶律忠王洵等偕來凡金人所要求皆郭藥師

教之也是日金人攻天津景陽等門李綱親督戰募

壯士縋城而下自卯至酉斬首數千級何灌力戰而

死李邦彥等力勸帝從金議丙子帝乃避殿減膳括

金幣數逾千萬
竭天下且不足
微獨李綱見及
金將亦寧不之
知則需索之多
特舉以相難意

借都城金銀及倡優家財得金二十萬兩銀四百萬
兩而民間已空李綱言金人所需金幣竭天下且不
足況都城乎三鎮國之屏蔽割之何以立國至于遣
質即宰相當往親王不當往若遣辯士姑與之議所
以可不可者宿留數日大兵四集彼孤軍深入雖不
得所欲亦將速歸此時與之盟則不敢輕中國而和
可久也李邦彥等言都城破在旦夕尚何有三鎮而
金幣之數又不足較帝默然綱不能奪因求去帝慰

固不專在金幣也欽宗是時自度力尚能抗則當從李綱言緩其議盟以待援兵四集為背城之戰成敗亦未可知若竟不能則拘大義以死社稷不猶愈於強顏稱姪乎割地請盟苟延旦夕而仍無解于青城之逼五國之遭貽笑于天下後世何其怯

諭之曰第出治兵此事當徐圖之綱退則誓書已成

稱伯大金國皇帝姪大宋皇帝金幣割地遣質更盟

一依其言遣沈晦

字元用錢塘人

以誓書先往並持三鎮地

圖示之庚辰以張邦昌為計議使奉康王構往金軍

為質以求成初邦昌與邦彥等力主和議不意身自

為質及行乃邊帝署御批無變割地議帝不許康王

與邦昌乘筏渡濠自午至夜始達金營

統制官馬忠敗金人于順天門

續綱目作都統制馬忠考馬忠宋史欽宗紀作

也

全宋文卷八十二
統制官种師道傳作偏
將非都統制也今改書

金游騎大掠于城下忠以京西募兵適至擊金人敗
之于順天門外金師遂收斂為一西路稍通援兵得
達

以路允迪簽書樞密院事如金尼瑪哈軍种師道帥師
入援以師道同知樞密院事統四方勤王兵

師道至洛聞韓里雅布屯東城下或止師道言敵勢
方銳願少駐汜水以謀萬全師道曰吾兵少若遲回

不進形見情露祇取辱焉今鼓行而進彼安能測我
虛實都人知吾來士氣自振何憂敵焉揭榜沿道言
种少保領西兵百萬來遂抵京西趨汴水南徑赴敵
營金人懼徙砦稍北斂游騎但守牟駝岡增壘自衛
時師道年高天下稱為老种帝聞其至甚喜開安上
門命李綱迎勞師道入見帝問曰今日之事卿意若
何對曰女真不知兵豈有孤軍深入人境而能善其
歸乎帝曰業已講好矣對曰臣以軍旅之事事陛下

餘非所敢知也遂拜同知樞密院事充京畿河北河
東宣撫使統四方勤王兵及前後軍以姚平仲為都
統制師道時被病命毋拜許肩輿入朝金使王訥在
廷顏頗望見師道拜跪稍如禮帝顧笑曰彼為卿故
師道請緩給金幣于金俟彼情歸扼而殲諸河計之
上也李邦彥不從

以楊時為右諫議大夫兼侍講

時言今日之事當以收人心為先人心不附雖有高

城深池堅甲利兵不足恃也童貫為三路大帥棄軍
逃歸朝廷置之不罪故梁方平之徒相繼而遁當正
典刑以為不忠之戒自貫握兵二十餘年覆軍殺將
馴至今日比聞防城仍用閹人覆車之轍不可復蹈
疏上遂有是命

貶梁師成為彰化節度副使尋賜死

初王黼嘗為鄆王楷陰畫奪宗之計

事具前

師成力保

護太子得不動搖及上皇東幸嬖臣多從以避罪師

成自以舊恩留京師太學生陳東既疏其罪惡布衣
張炳亦以為言遂貶令開封吏護送至貶所行一日
追殺之

二月都統制姚平仲將兵夜襲金營不克而遁

時朝廷日輸金幣于金而金人需求不已日肆屠掠
四方勤王之師漸至李綱言金人貪婪無厭兇悖日
甚其勢非用王師不可且敵兵號六萬而吾勤王之
師集城下者已二十餘萬彼以孤軍入重地猶虎豹

靖康國步瀕危
李綱計取之說
亦不過僥倖萬
一姚雖世為

自投陷穽中當以計取之不必與角一旦之力若扼
河津絕餉道分兵復畿北諸邑而以重兵臨敵營堅
壁勿戰俟其食盡力疲然後以一檄取誓書復三鎮
縱其北歸半渡而擊之此必勝之計也帝深然之約
日舉事种氏姚氏皆素為山西巨室平仲以父古方
帥熙河兵入援慮功名獨歸种氏乃云士不得速戰
有怨言帝聞之以語李綱綱主其議令城下兵緩急
聽平仲節度帝日遣使趣師道戰師道欲俟其弟師

名將而當大勢已失即并力和衷尚恐不能有為乃平仲不以國事為重嫉媚自私慮功名獨歸科氏浮言以促師期輕脫而僨軍事遂使城下援兵消歸烏有并城之終于殘破平仲實不得辭其罪矣然李綱素持堅壁老師之見何以一聞士利速戰

中至因奏言過春分乃可擊時相距纔八日帝以為緩平仲請先期擊之二月丁酉朔平仲帥步騎萬人夜斫敵營欲生擒韓里雅布取康王以歸夜半帝遣中使諭李綱曰姚平仲已舉事卿速援之平仲方發金侯吏覺之韓里雅布遣兵迎擊平仲敗懼誅亡去李綱率諸將出救遂與金人戰于幕天坡

在祥符縣西以

神臂弓

弩類能射二百四十餘步

射却之師道復言剗寨已誤然

兵家亦有出其不意者今夕再遣兵分道攻之亦一

遽爾改圖豈天
厭宋德固非人
力所能挽回耶
宋人納叛名譽
初不知講備禦之
策繼不能堅死
守之謀大事已
失欽宗復甘心
屈辱舉國請盟
更自安于無用
乃兵至則罷主
戰之臣以謝之
兵退則罷主和
之臣以挑之所
謂既不能令又

奇也如猶不勝然後每夕以數千人擾之不十日賊遁矣李邦彥等畏懦皆不果用

罷李綱以謝金人

韓里雅布名使者詰責用兵違誓之故張邦昌恐懼涕泣康王不為動金人異之乃使王洵來致責且請更以他王為質洵至李邦彥語之曰用兵乃李綱姚平仲爾非朝廷意也因罷李綱以謝金人廢親征行營使時宇文虛中聞汴圍急馳歸收合散卒得東南

不受命此必亡
之勢耳

欽定四庫全書

卷八十二

兵二萬人以便宜起李邕

字彥思臨江軍清江人

領之令駐于

汴河會姚平仲失利援兵西來者皆潰虛中絕而入
京帝欲遣人奉使辨刦營非朝廷意大臣皆不欲行
虛中承命慨然而往

太學生陳東上書請復用李綱詔以綱為尚書右丞京
城防禦使

東等千餘人上書于宣德門

畧言李綱奮勇不顧以身任天下之重所謂社

稷之臣也李邦彥白時中張邦昌等庸繆不才忌嫉
賢能動為身謀不恤國計所謂社稷之賊也陛下拔

綱中外相慶而邦彥等疾如仇讐恐其成功因緣沮敗且邦彥等必欲割地曾不知無三關四鎮是棄河北也棄河北朝廷能復都大梁乎又不知邦昌等能保金人不復敗盟否也竊恐敵兵南向大梁不可都必將還而之金陵則自江以北非朝廷有死金陵正慮童貫蔡攸朱勔等往往生變亂雖欲還而都又不可得陛下將于何地而奠宗社邪邦彥等不為國家長久之計又欲沮李綱成謀以快私憤李綱罷命一傳兵民騷動至于流涕咸謂不日為賊擒矣罷綱非特墮邦彥等計中又墮敵計中也乞復用綱而斥邦彥等且以關外付种師道宗廟存亡在此一舉不可不謹

書奏軍民不期而集者

數萬人會邦彥入朝衆數其罪而罵且欲毆之邦彥疾驅得免吳敏傳宣令退衆莫肯去樞壞登聞鼓喧

呼動地殿帥王宗濬恐生變奏帝勉從之帝乃遣耿南仲號于衆曰已得旨宣綱矣內侍朱拱之宣綱後期衆鬻而磔之並殺內侍數十人知開封府王時雍

蜀人

麾之不退帝顧戶部尚書聶昌俾出諭旨諸生

始退乃復綱右丞充京城四壁防禦使既而都人又言願見种師道詔趣師道入城彈壓師道乘車而至

衆褰簾視之曰果我公也乃相麾聲咤而散

明日詔誅士民

殺內侍為首者禁伏闕上書王時雍欲盡致太學諸生于獄人人惴恐會朝廷將用楊時為祭酒遣聶昌

詣學宣諭然後定吳敏欲弭謗
議奏東為太學錄東力辭以歸

除元祐黨籍學術之禁

廢苑囿宮觀可以與民者

更以肅王樞

上皇第
五子

為質于金康王構還

宇文虛中冒鋒鏑至金營露坐風埃自己至申金人
注矢露刃周匝圍之久乃得見康王次日侍王至金
幕府見幹里雅布語不遜禮節倨傲抵暮遣王內隨
虛中入城要越王及李邦彥吳敏李綱並駙馬曹晟

等與金銀騾馬之類且欲御筆書定三鎮界方退軍
明日帝命肅王往代質康王張邦昌還

詔割三鎮地以畀金金斡里雅布引兵北去京師解嚴
初金人圍城蔡懋禁不得輒施矢石將士積憤及李
綱復用下令能殺敵者厚賞衆無不奮躍金人懼稍
稍引卻至是宇文虛中復奉詔如金許割三鎮地斡
里雅布得詔不俟金幣數足遣韓光裔來告辭退師
北去肅王從之京師解嚴种師道請乘其半濟擊之

帝不許師道曰異日必為國患御史中丞呂好問

字舜

圖希哲

進言于帝曰金人得志益輕中國秋冬必傾

國復來禦敵之備當速講求不聽

金人既退詔赦天下自今庶事並遵

用祖宗舊制凡蠹國害民之事一切寢罷復罷宰執兼神霄玉清萬壽宮使

李邦彥免以張邦昌為太宰吳敏為少宰李綱知樞密院事耿南仲李稅為尚書左右丞

邦彥罷不旬日吳敏為請復起為太宰人皆駭愕言者交論之乃出知鄧州

姚古种師中及府州將折彥質

字中古適之子

以兵入援

姚古种師中及府州帥折彥質等各以兵勤王凡十餘萬人至汴城下而幹里雅布退李綱請詔古等追之且戒俟其間可擊則擊而三省乃令護送出境勿輕動以啓釁時大臣政令矛盾故迄無成功

种師道罷

中丞許翰

字崧老襄邑人

言師道名將沈毅有謀不可使解

兵柄帝謂其老難用翰曰秦始皇老王翦而用李信

兵辱于楚漢宣帝用趙充國之老而卒能成金城之
功自呂望以來以老將收功者難一二數師道智慮
未衰雖老可用也帝不納翰又言金人此去存亡所
繫當令一大創使失利去則中原可保四夷可服不
然將來再舉必有不救之患宜遣師追擊之帝亦不
聽

以楊時兼國子監祭酒

時知無不言然不見聽及太學生留李綱种師道吳

敏乞用時以靖太學因召對時言諸生忠于朝廷非
有他意但擇老成有行誼者為之長貳則將自定帝
曰無以逾卿遂用之

金尼瑪哈入威勝軍

注見前

破隆德府

宋置今山西潞安府是

宋人畏金兵勢自圓汴以至于出境從未敢以一矢加遠即奪細命諸將追擊之說三省已深戒其啟釁何粘默合遣人邀賂則又恃勤王兵大集而挑怒之

尼瑪哈攻太原悉破諸縣獨城中以張孝純固守不
下乃于城外矢石不及之地築城防守使內外不相
通及聞幹里雅布議和亦遣人求賂宰臣以勤王兵
大集拘其使而不與尼瑪哈怒乃分兵趨汴京折可

宣縱兵追擊則
為覺需拘執使
人則非覺乎宋
廷舉措可笑若
此益自促其亡
耳

求劉光世軍皆為所敗平陽府叛卒導金兵入南北

關

南關在沁州武鄉縣西北北關在太原府
祁縣東兩關相接號南北關路甚險隘 尼瑪哈

歎曰關險如此而使我過之南朝無人矣既過知威

勝軍李植以城降遂攻下隆德府知府張確

字守固
邠州宜

人 祿

死之進屯澤州

既而尼瑪哈還雲中
留尼楚赫圖太原

貶蔡京為秘書監童貫為左衛上將軍蔡攸為大中大

夫

時三人皆從上皇行以陳東言貶之梁方平尋亦復

誅

以聶昌為東南發運使未行而罷

初上皇南幸童貫高俅

俅字里無考徽宗朝以殿前都指揮使加太尉進開府儀

同三司後欽宗誅謫諸奸俅已死詔追奪其官事在本年七月

等以兵扈從既行聞

都城受圍乃止東南部傳及勤王之師道路籍籍言

貫等為變朝議以聶昌為發運使往圖之李綱曰使

昌所圖果成震驚太上此憂在陛下萬一不果是數

人者挾太上于東南求劍南一道陛下將何以處之

莫若罷聶昌之行請于太上去此數人自可不勞而定帝從之

三月張邦昌李稅免以徐處仁為太宰唐恪為中書侍郎何臬為尚書右丞許翰同知樞密院事

帝召處仁問割三鎮是否處仁言不當棄與吳敏議

合敏薦處仁可相

時處仁已拜中書侍郎

會議者以張邦昌私

于敵故尼瑪哈復至社稷之賊也遂與李稅並罷而拜處仁太宰時進見者多論宣和間事唐恪言于帝

曰革弊當以漸宜擇今日之所急者先之而言者不顧大體至毛舉前事以快一時之憤豈不傷太上之心哉京攸貫黼之徒既從竄斥姑可已矣他日邊事

既定然後白太上請下一詔與天下共棄之誰曰不

可帝曰卿論甚善為朕作詔書以此意布告在位者

又論宇文虛中議和之罪出知青州

詔种師道屯滑州姚古种師中援三鎮古復隆德府威勝軍師中追幹里雅布至北鄙而還

詔金人要盟終不可保今尼瑪哈深入南陷隆德先
敗元約朕夙夜追咎已黜罷元主和議之臣其太原
中山河間三鎮保塞陵寢所在誓當固守于是命种
師道為河北河東宣諭使駐滑州姚古為河北制置
使种師中副之古總兵援太原師中援中山河間而
師道實無兵自隨乃請合關謂關中河謂兩河卒屯滄衛
孟滑備金兵再至朝廷以大敵甫退不宜勞師示弱
格不用師中渡河上言尼瑪哈至澤州臣欲由邢相

間捷出上黨擣其不意當可以逞朝廷疑不用幹里
雅布至中山河間兩鎮皆固守不下師中因進兵以
逼之幹里雅布出境姚古以兵復隆德威勝扼南北
關

詔李綱迎太上皇于南京

時用事者言太上將復辟于鎮江人情危駭既而太
上皇后先還或謂后将由端門直入禁中內侍輩頗
勸帝嚴備帝不從既而太上還至南京以書問改革

政事之故且召吳敏李綱或慮太上意不可測綱曰
此無他不過欲知朝廷事爾綱往具道皇帝聖孝思
慕請陛下早還京師太上因及行宮止遞角等事綱
曰當時恐金人知行宮所在非有他也因言皇帝每
得詰問之詔輒憂懼不食臣竊譬之家長出而彊寇
至子弟之任家事者不得不從宜措置長者但當以
其能保田園大計而慰勞之苟誅及細故則為子弟
者何所逃其責邪陛下回鑾臣謂宜有以大慰皇帝

之心勿問細故可也太上感悟出玉帶金魚象簡賜
綱且曰卿捍守宗社有大功若能調和父子間使無
疑沮當遂垂名青史綱還具道太上意帝始釋然

夏四月夏人陷天德雲內諸城金人襲取之

先是尼瑪哈遣薩滿

舊作撒拇今改後仿此

使夏許割天德雲

內金肅

注俱見前

河清

遼與金肅州同置故城在州東北

四軍及武州等

八館

方輿紀要在廢武州界遼置館舍于此因名

之地約攻麟州以牽河

東之勢夏人遂由金肅河清渡河取天德雲內武州

河東八館之地因攻鎮威城

方輿紀要在朔州西兵南宋初與遼分界處

馬監押朱昭

字彥明府州府谷人

力戰而敗乃盡殺其妻子納

尸井中復帥士搏戰死之城遂陷既而金將額實

續綱

目作果伸考金史希尹傳無此事今從宋史夏國傳額實舊作兀室今改後仿此

以數萬騎

陽為出獵掩至天德逼逐夏人悉奪有其地夏人請

和金人執其使

太上皇至京師

太上將至宰執進迎奉儀注耿南仲議欲屏太上左

右車駕乃進李綱言天下之理誠與疑明與闇而已
自誠明推之可至于堯舜自疑闇推之其患有不可
勝言者耿南仲不以堯舜之道輔陛下乃闇而多疑
南仲怫然曰臣適見右司諫陳公輔

字國佐台州臨海人

乃為

李綱結士民伏闕者乞下御史置對上愕然綱曰臣
與南仲所論國事也南仲乃為此言臣何敢復有所
辨因求去帝不允

立子諶為皇太子

詔吏部考覈濫賞

凡由楊戩李彥之公田王黼朱勔之應奉童貫譚稹等西北之師孟昌齡河防之役夔蜀湖南之開疆闢陝河東之改幣又若近習所引獻頌可採特赴殿試之流所得爵賞悉奪之

以种師道為兩河宣撫使

復以詩賦取士禁用王安石字說

召河南尹焞至京師賜號和靖處士遣還

於時外事方棘
社稷危在旦夕

宋宣君臣不此
之務而高談微
隱之舉即果用
尹焞亦何能救
其捕遺邪

种師道薦焞德行召至京師不欲留賜號和靖處士

遣還戶部尚書梅執禮

字和勝婺州浦江人

戶部侍郎邵溥

雍之

孫

中丞吕好問中書舍人胡安國

字康侯建寧崇安人

合奏焞

言動可以師法器識可以任大乞擢用之不報

五月罷王安石配享孔子仍從祀廟庭國子祭酒楊時

致仕

時上言蔡京用事二十年蠹國害民幾危社稷人所

切齒而論其罪者莫知其所本也蓋京以繼述神宗

為名實挾王安石以圖身利故推尊安石加以王爵
配享孔子廟庭今日之禍實安石有以啟之安石挾
管商之術飾六藝以文姦言變亂祖宗法度當時司
馬光已言其為害當見于數十年之後今日之事若
合符契其著為邪說以塗學者耳目而敗壞其心術
者不可縷數伏望追奪王爵明詔中外毀去配享之
像使邪說淫辭不為學者之惑疏上詔罷安石配享
降居從祀之列時諸生習用王氏學以取科第者已

數十年不復知其罪忽聞楊氏目為邪說羣論籍籍

于是中丞陳過庭諫議大夫馮澥

字長源普州安岳人

上疏詆

時會學官中有紛爭者有旨學官並罷時亦罷祭酒

尋改給事中時力辭遂以徽猷閣待制致仕

時居諫垣九十

日凡所論列皆切于世道而其大者則關王氏排和
議論三鎮不可棄云馮澥素主熙豐紹聖故詆時及
時罷會有詔諫官極論得失右正言崔鷗上疏曰馮
澥近上章言熙寧元豐之間士無異論太學之盛也
澥尚敢為此姦言乎王安石除異己之人著三經之
說以取士天下靡然雷同陵夷至于大亂此無異論
之效也蔡京又以學校之法馭士人如馭卒伍有一
異論累及學官其苛錮多士固已密矣而澥猶以為

王安石以邪說
陷溺人心禍亂
之來豈無所自
但宋至靖康之
季元氣盡喪受
病已深而謂點

一從祀之人聞
一紹述之論遂
可以挽回時勢
固理所必無即
當時之議其敏
者有不理砲石
只理安石不論
肅王只論舒王
之謬是朝端紛
紛聚訟譁者已
知其不切事情
矣總之熙豐以
後耶正互相指
目黨論迭為廢
興互疆場日壞
而雀鷗輩猶斷

大學之盛欺罔不已甚乎仁宗英宗選教樸敢言之
士以遺子孫安石目為流俗一切逐去司馬光復起
而用之元祐之治天下安于泰山及蔡京得志引門
生故吏更持政柄倡紹述之論以欺人主紹述一道
德而天下一于詔佞紹述同風俗而天下同于欺罔
紹述理財而公私竭紹述造士而人才壞紹述開邊
而塞塵犯關矣京之術破壞天下已極尚忍使其餘
蠹再破壞邪京姦邪之計大類王莽而朋黨之衆則
又過之願斬之以謝
天下奏上時議重之

詔种師中姚古進軍太原師中與金人戰于殺熊嶺在平

定州壽陽縣西南接
太原府榆次縣界 敗績死之古軍潰

太原圍不解詔种師中由井陘與姚古犄角師中進

斷于士論之異
同筆舌紛爭何
救于宋室之敗
亡乎

次平定軍乘勢復壽陽榆次等縣留屯真定時尼瑪
哈避暑還雲中留兵分就畜牧覘者以為將遁告于
朝許翰信之數遣使趣師中出戰責以逗撓師中歎
曰逗撓兵家大戮也吾結髮從軍今老矣忍受此為
罪乎即日辦嚴約姚古及張灝孝純之子俱進而輜重賞
犒之物皆不以從行師中抵壽陽之石坑在壽陽縣東南為
金將完顏和尼婁室之子按和尼舊作活女今改後仿此所襲五戰三勝
回趣榆次至殺熊嶺去太原百里姚古將兵至威勝

統制焦安節妄傳尼瑪哈將至故古與灝皆失期不
至師中兵饑甚敵知之悉衆攻右軍右軍潰前軍亦
奔師中獨以麾下死戰自卯至巳士卒發神臂弓射
退金人而賞賚不及皆憤怒散去所留才百人師中
身被四創力疾鬪死師中老成持重為時名將既死諸軍無不奪氣金乘勝
進兵迎古遇于盤陀成名在太原府祁縣東古兵潰退保隆德
事聞李綱召安節斬之安置古于廣州而贈師中少

師

諡莊愍

召种師道還以李綱為兩河宣撫使

京師自金兵退上下恬然置邊事于不問李綱獨以
為憂數上備邊禦敵之策不見聽用每有謀議復為
耿南仲等所沮及姚古种師中敗潰种師道以病乞
歸南仲等請棄三鎮綱言不可乃以綱為宣撫使劉
韜字仲偃建
州崇安人副之以代師道又以解潛為制置副使
以代姚古綱言臣書生實不知兵在圍城中不得已
為陛下料理兵事今使為大帥恐誤國事因拜辭不

三鎮之不可棄
李綱所見極當
雖僉主持議不
協而其說自不
可磨及既命為
宣撫則投艱遺
鉅正人臣致力
之秋綱縱不知
兵而前此經理
圍城業者成效
自當戮力中原
以捍禦郡邑苟
或不濟死生以
之此正理也乃
當邦家屯陰之
時成命既降而

許退而移疾乞致仕章十餘上亦不允臺諫言綱不
可去朝廷帝以其為大臣游說斥之或謂綱曰公知
所以遣行之故乎此非為邊事欲緣此以去公則都
人無辭耳公不起上怒且不惻奈何許翰復書杜郵
二字以遺綱綱不得已受命帝手書裴度傳以賜之
宣撫使兵僅萬二千人綱請銀絹錢各百萬僅得二
十萬庶事皆未集綱乞展行期御批以為遷延拒命
趣召數四綱入對帝曰卿為朕巡邊便可還朝綱曰

移疾致仕之章
凡十餘上漸行
復有自度不能
即當求去之請
與前此慷慨任
事若出兩人不
能不致惜于玳
瑜之掎至臺諫
乞留綱朝廷既
徂重內綱見而
勸之起者亦惟
慮起且不測止
為私謀而不恤
國是尤卑卑不
足道矣

臣之行無復還理臣以愚直不容于朝使既行之後
無有沮難則進而死敵臣之願也萬一朝廷執議不
堅臣自度不能有為即當求去陛下宜察臣孤忠以
全君臣之義上為感動陛辭又為上道唐恪聶昌之
姦任之必誤國言甚激切

謫左司諫陳公輔監合州酒務

公輔居職敢言耿南仲指為李綱之黨公輔因自列
且辭位復言李綱乃書生不知軍旅遣援太原乃為

大臣所陷必敗事時宰怒其言斥監合州酒務

天狗星隕彗出紫微垣

天狗墜地有聲如雷彗出寅艮間長數丈北拂帝座
掃文昌大臣有謂此乃夷狄將衰非中國憂也主管
龍德宮譚世勣面奏垂象可畏當修德以應天不宜

惑其諛說詔除民間疾苦十七事

侍御史李光亦奏
言宜恐懼修省不

當以大異委之外夷謫監汀州酒
稅 李光字泰嚴越州上虞人

高麗稱藩于金金以保州

本高麗州為遼所取金還之
今朝鮮國曰安州屬平安道

界之

高麗王楷遣使奉表稱藩于金一依事遼之禮金遣高伯淑報之且以保州與之自是朝貢不絕

秋七月除元符上書邪等之禁

竄蔡京于儋州道死童貫趙良嗣伏誅

京再貶崇信軍節度副使貫再貶昭化軍節度副使至是復竄京于儋州其子孫二十三人分竄遠地遇赦不許量移竄貫于吉陽軍

今瓊州府崖州宋政和未改吉陽軍明初始復

為趙良嗣于柳州詔下十日京死于潭州朝廷遣御

史張澂

字達明舒州人

誅貫轉運副使李昇之誅良嗣于貶

所函首赴闕梟于市

京天資凶謫舞智御人在人主前顯狙伺為固位計太上亦知

其姦屢罷屢起京每聞將退免輒入見祈哀蒲伏叩頭無復廉恥見利忘義至于兄弟父子自為秦越暮年即家為府營進之徒集門輪貨僮隸皆得美官棄紀綱法度為虛器根株連結牢不可破卒致宗廟之禍雖以謫死天下猶以不正典刑為恨貫握兵二十年摧頌一時奔走期會過于制勅嘗有論其過者詔方劾往察劾一動一息貫悉偵得之先密以白且陷以他事劾反得罪逐死貫狀魁梧偉瞻視頗下生鬚十數皮骨勁如鐵不類閭人有度量能疎財後宮自妃嬪以下皆獻饋結納左右婦寺譽言日聞寵嬭翕赫

庭戶雜還成市岳牧輔弼多出其門
窮姦恣禍流毒四海死不足以償責

李綱至懷州詔罷所起兵

續綱目是條于李綱至懷州下即書諸軍潰于太原考宋

史欽宗紀解潛劉韜戰敗在七月名李綱還在八月丙申張思正折可求師潰在八月己酉李綱傳不載軍潰但云時方議和詔止綱進兵未幾徐處仁吳玠罷相綱即上奏求罷乃命种師道領宣撫司名綱赴闕紀與傳互異續綱目書軍潰與紀不符書召綱又與傳不合今依本紀月日為據提綱改書目亦改輯

綱留河陽十餘日練士卒修整器甲之屬進次懷州
造戰車期兵集大舉而朝廷降詔罷所起兵綱上疏
言秋高馬肥敵必深入宗社安危殆未可知防秋兵

盡集尚恐不足今河北河東日告危急未有一人一騎以副其求奈何甫集之兵又皆散遣且以軍法勸諸路起兵而以寸紙罷之臣恐後時有所號召無復應者矣疏上不報趣赴太原

八月復以种師道為兩河宣撫使召李綱還諸軍潰于太原

先是綱遣解潛屯威勝軍劉韜屯遼州幕官王以寧與都統制折可求張思正等屯汾州范瓊屯南北關

皆去太原五驛約三道並進時諸將皆承受御畫事
皆專達進退自如宣撫司徒有節制之名多不遵命
綱嘗具論之雖降約束而承受專達自若劉韜乃以
兵先進金人併力禦之韜戰敗解潛與敵遇于南關
亦大敗會有詔復以种師道為宣撫使巡邊召綱還
而張思正等領兵十七萬與張灝夜襲金羅索于文
水隋縣今屬山西太原府小捷明日復戰師潰死者數萬人折
可求師亦潰于子夏山即隱泉山在汾州府汾陽縣北上有石室相傳為子夏所

居故俗謂之子
夏山亦曰卜山
于是威勝隆德汾晉澤絳民皆渡河

南奔州縣俱空

諸軍既潰綱又上疏極論節制不專之弊且言分路進兵敵以全力制吾

孤軍不若合大兵由一路進范世雄以湖南兵至因薦為宣撫判官方欲會合親率擊敵而召命已至綱

亦求罷
遂代還

金尼瑪哈斡里雅布復分道南侵

先是朝廷以肅王為金所質亦留其使臣蕭仲恭

遼

馬蕭特末之子與遼主俱被獲遂仕于金

踰月不遣其副趙倫懼不得歸

乃結館伴邢倬

恕之子

曰金有耶律伊都者領契丹兵

遼人以一國金
力尚不能抗拒
金師余觀等不
過一二降人並
無尺土可藉豈
有復能圖金之
理況余觀當天
祚尚存首先率
衆叛遼又豈有
亡國之感者當
時執政之臣不
知揆情度理轉
信趙倫詭說為
奇計用以橫挑
強鄰其愚妄貽
誤可笑亦奇憫也

甚衆貳于金人願歸大國可結之以圖幹里雅布尼
瑪哈執政以仲恭伊都皆遼貴戚舊臣而用事于金
當有亡國之感信之乃以蠟書命仲恭致伊都使為
內應仲恭還見幹里雅布即以蠟書獻之幹里雅布
以聞金主麟府帥折可求又言遼梁王雅里在西夏
之北欲結宋以復怨于金吳敏勸帝致書梁王由河
東之麟府亦為尼瑪哈所得復以聞于是以尼瑪哈
為左副元帥幹里雅布為右副元帥分道南侵尼瑪

哈發雲中幹里雅布發保州

徐處仁吳敏許翰罷以唐恪為少宰何臬為中書侍郎
陳過庭為尚書右丞聶昌同知樞密院事李回

江寧人

簽

書院事

翰處仁主用兵而吳敏耿南仲欲和議論不合翰罷
知亳州處仁又與敏爭于帝前處仁怒擲筆中敏面
鼻額為黑南仲與唐恪聶昌欲排去二人而代之位
諷中丞李回論之于是俱罷

初敏以昌猛厲可使助
已自衡州召知開封府

不數月拜同知樞密入謝即陳捍禦之策曰三關四鎮國家藩籬也聞欲以畀敵一朝淪盟何以制之願勿輕與而機天下兵集都畿堅城守以遏其衝簡禁旅以備出擊壅河流以斷歸路前有堅城後有大河勁兵四面而至彼或南下墮吾網中矣臣願激合勇義之士設伏開闢出不意掃其營以報帝壯之命提舉守禦得以便宜行事未幾言者論敏因蔡京進用安置涪州

遣刑部尚書王雲

字子飛
澤州人

使金軍

考宋史王雲傳雲前
後兩使金軍初以給

事中出使後以刑部尚書再使欽宗紀畧同續綱目
但書給事中不更詳書再使今依宋史改書增輯

雲先以給事中使韓里雅布軍還言必敗和約執政以為不然罷知唐州至是太原圍益急朝廷遣著作

佐郎劉岑

字季高
吳興人

太常博士李若水

本名若水字清
卿洛州曲周人

分使金軍求緩師岑等還言幹里雅布止索歸朝官
及所欠金銀尼瑪哈則深諱金銀專論三鎮乃召雲
拜刑部尚書再往許以三鎮賦入之數

九月金尼瑪哈陷太原副都總管王稟等死之

尼瑪哈乘勝急攻太原知府張孝純力竭不能支城
遂陷孝純被執既又釋而用之副都總管王稟負原
廟中太宗御容赴汾水死通判方笈轉運韓揆等三

十人皆被害金分兵陷汾州知州張克猷

字德祥畢
者曾孫

力捍禦城破猶巷戰不克乃南向拜自引決一家死

者八人

蔡攸朱勔伏誅

先是竄勔循州籍其家田至三十萬頃他物稱是言
者又論攸興燕山之役禍及天下驕奢淫佚載籍所
無于是遣使即二人所至斬之

罷李綱知揚州謫中書舍人劉珣

字希範湖
州長興人

胡安國官

安國在省一月
而在告日多已
達夙夜在公之
義至論列小事
謂大者皆起于
細微此在太平
無事時為防微
杜漸之說則可

時方議和言者論李綱專主戰議喪師費財罷知揚

州尋落職責授保靜軍節度副使建昌軍安置舍人劉珣當制謂綱勇于

報國吏部侍郎馮澥言珣為綱進說珣坐貶提舉毫

州明道宮安國封還詞頭且論澥越職論事耿南仲

大怒何東從而擠之遂出知通州

安國初為太學博士蔡京惡其異已

會安國舉永州市衣王繪鄧璋遺遠京以二人乃范純仁鄒浩之客置獄惟治安國坐除名張商英相始得復官帝即位召赴京師入對言明君以務學為急聖學以正心為要語甚剴切日昃始退耿南仲聞其言而惡之力沮于帝帝不為動中丞許翰入見帝謂曰卿識胡安國否翰對曰自蔡京得政士大夫無不

若宋靖康之季
國勢已去危亡
在旦夕間凡用
人守土籌兵諸
大事所當言者
何限皆不聞安
國有所敷陳而
惟以務學正心
為說斯誠不免
迂濶矣

受其籠絡超然遠迹不為所污如安國者實鮮遂除
中書舍人安國在省一月多在告之日及出必有所
論列或曰事之小者盍姑置之安國曰事之大者無
不起于細微今之小事為不必言至于大事又不敢
言是無時可言
也人服其論

置四道都總管府以李回為大河守禦使折彥質為河
北宣撫副使

從何臬之請分天下二十三路為四道建三京及鄧
州為都總管府分總四道兵以知大明府趙野總北
道知河南府王襄

初名寧鄧
州南陽人

總西道知鄧州張叔夜

總南道知應天府胡直孺

字少汲
奉新人

總東道事得專決

財得專用官得辟置

罷西南勤王兵

金師日逼南道總管張叔夜陝西制置使錢蓋各統
兵赴闕唐恪耿南仲專主和議函檄止諸軍勿前遣
給事中黃鶚由海道使金以請和

冬十月金斡里雅布陷真定都鈐轄劉頊

宋史忠義傳
作劉翊今從

欽宗
紀死之

种師閔及斡里雅布戰于井陘敗績斡里雅布入天
威軍攻真定頌率衆晝夜搏戰久之城陷頌巷戰麾
下稍稍散亡頌顧其弟曰我大將也可受賊戮乎因
挺刀欲奪門出不果自縊死知府李邈被執北去

金遣使來

尼瑪哈斡里雅布遣楊天吉王汭等以書詰責索親
王詣軍前陳謝仍要割地且求金帛車輅儀物及加
其主徽號

罷御史中丞呂好問

金人復至大臣不知所出遣使講解金人佯許而攻
畧自如諸將以和議故皆閉壁不出好問乃請亟集
滄滑邢相之戍以遏奔衝而列勤王之師于畿邑以
衛京城疏入不省金人入真定攻中山上下震駭廷
臣狐疑相顧猶以和議為辭好問率臺屬劾大臣畏
懦誤國坐貶知袁州帝閱其忠下遷吏部侍郎

下哀痛詔徵兵于四方

續綱目係于十一月今
依宋史欽宗紀改輯

帝以太原真定已陷大以為憂下哀痛詔徵兵命河
北河東諸路帥臣傳檄所部得便宜行事

名种師道還尋卒

諡忠憲

師道次河陽遇王汭揣敵必大舉亟上疏請幸長安
以避其鋒大臣以為怯召還以范訥代之師道既至
病不能見尋卒

十一月詔百官議三鎮棄守

王雲至真定幹里雅布軍使從吏先還言金不復求

地但索五輅及上尊號且須康王至軍乃議和幹里

雅布尼瑪哈亦使王內等來帝乃命尚書左丞王寓

字元惠江州人副康王往使寓託故不行帝怒安置寓于新

州改命馮澥知樞密院事充副使王未行而車輅至

長垣為金人所却王遂不行至是雲還言金人中變

今必欲得三鎮不然則進兵取汴都中外震駭詔集

從官于尚書省議割三鎮

梅執禮孫傳秦檜等三十人言不可與自范宗尹

以下七十人皆欲與之孫傳字伯野海州人秦檜字會之江寧人范宗尹字覺民襄陽鄧城人何

何東廷議時力
主三鎮之不可
割遼及退與恪
言則又以太原
真定已失不若
任之頃刻之間
自相矛盾何也
蓋割地之非東
不肯受其名而
用兵之事東又
不敢任其責故
進則爭執于主

東曰三鎮國之根本奈何一旦棄之且金人無信割
地亦來不割亦來唐恪耿南仲等力主割地東辨論
不已因曰河北之民皆吾赤子棄地則並其民棄之
為民父母而棄其子可乎帝悟乃止東退謂恪曰割
三鎮則傷河外之情不割則太原已失不若任之恪
唯唯遂詔河北河東京畿清野令流民得占官舍寺
觀以居禁京師民以浮言相動者

金尼瑪哈陷河東諸州郡李回折彥質師潰金人遂渡

前退則模稜于
條家首鼠兩端
其居心之不可
問較取南仲輩
更有甚也

河陷西京詔馮澥使金軍請和

尼瑪哈自太原取汴所至破降平陽威勝隆德澤州
皆失官吏棄城走者遠近相望尼瑪哈至河外宣撫
副使折彥質以兵十二萬拒之夾河而軍時李回以
萬騎防河亦至河上尼瑪哈曰南軍亦衆與之戰勝
負未可知不若加以虛聲遂取戰鼓擊之達旦彥質
之衆皆潰李回亦奔還京師金兵至河無船不得渡
和尼帥軍三百自孟津而下度其可渡遂引軍以濟

尼瑪哈從之于是知河陽燕瑛河南留守西道都總管王襄皆棄城走永安軍鄭州悉降于金尼瑪哈既渡河不復言三鎮直遣人來言欲盡得兩河地請畫河為界于是京師戒嚴遣馮澥李若水往使行至中牟守河兵相驚以為金兵至左右謀取間道去澥問何如若水曰戍兵畏敵而潰奈何效之今正有死爾敢言退者斬衆乃定既行若水屢附奏言和議者必不可諧乞申飭守備

詔王雲副康王構使金軍許割三鎮至磁州州人殺雲
構還次相州

雲固請康王往使詔以資政殿學士副王使韓里雅
布軍許割三鎮奉袞冕玉輅尊金主為皇叔且上尊
號十八字王由滑濬至磁州守臣宗澤

字汝霖婺州義烏人迎

謁曰肅王一去不返今敵又詭辭以致大王其兵已
迫復去何益願勿行先是王雲奉使過磁州勸兩郡
撤近城民舍運粟入保為清野之計民怨之及是次

磁會康王出謁嘉應神祠雲在後民遮道諫王勿北去厲聲指雲曰真姦賊也王出廟行民譟執雲殺之

韓里雅布軍濟河遊兵日至磁城下蹤跡王所在知

相州汪伯彥

字廷俊歲州祁門人

亟以帛書請王如相服櫜鞬

部兵以迎于河上王遂行至相勞伯彥曰他日見上

當首以京兆薦公由是受知議者以為是役雲不死

王必至金無復還理

相州湯陰人岳飛少負氣節家貧力學尤好左氏春秋孫吳兵

法有神力能挽弓三百斤弩八石劉韜宣撫真定募取戰士飛與馬屢擒劇賊至是因劉浩以見王以為

承信郎 岳
飛字鵬舉

何栗罷以陳過庭為中書侍郎孫傳為尚書右丞

栗主戰守與唐恪耿南仲不合罷為開封尹傳以兵
部尚書拜右丞尋改同知樞密院

以郭京為成忠郎選六甲以禦金

圍城危急選將
練兵尚恐緩不
及事至妖詩所
載安知非一二
無賴之徒偽造
竄名以惑世而
誣衆者乃竟篤
信其語求諸斷

孫傳因讀邱濬感事詩有郭京楊適劉無忌之語于
市人中訪得無忌于龍衛中得京好事者言京能施
六甲法可以生擒金二將而掃蕩無餘其法用七千

養之中付以干城之託不悟六甲之荒唐視守陣如兒戲千古庸怯莫此為甚何果固不足責孫傳儼然以忠義自許者何亦從而尊信之至其欺妄之迹已露張叔夜尚與同坐城頭觀其作法又何為者耶

七百七十七人朝廷深信不疑命以官賜金帛數萬

使自募兵無問伎藝能否但擇年命合六甲者所得

皆市井游惰旬日而足

敵攻益急京談笑自如云擇日出兵三百可致太平直襲

擊至陰山乃止孫傳何東尤尊信之又劉孝竭等募衆或稱六丁力士或稱北斗神兵或稱天闕大將大率效京所為識者危之

遣耿南仲聶昌使金軍許盡割兩河地昌為絳人所殺

南仲奔相州

韓里雅布遣使來議割兩河地帝許之命耿南仲往

報南仲以老辭改命聶昌昌以親辭陳過庭曰主憂
臣辱願効死帝為揮淚太息而怒南仲及昌即命南
仲如河北韓里雅布軍昌如河東尼瑪哈軍昌言兩
河之人忠勇萬一不從必為所執死不瞑目矣行至
絳絳人果堅壁拒之昌持詔抵城下縋而登鈴轄趙
子清麾衆殺昌抉其目而鬻之初南仲為東宮官十
年自謂首當柄用而吳敏李綱越次進位在已上心
不能平每事異議力沮戰守與吳玠

字正仲
濮州人

堅請割

地以成和好故朝廷戰守之備皆罷致金師日逼至是與金使王訥偕行至衛州衛鄉兵欲殺訥訥脫去南仲遂奔相州以帝旨喻康王起河北兵入衛京師因連署募兵榜揭之人情始安

金人入懷州知州事霍安國等死之

安國被圍捍禦不遺力鼎澧兵亦至相與共守拜徽猷閣待制及是城陷尼瑪哈引安國以下問不降者為誰安國曰守臣安國也問餘人通判林淵鈐轄張

彭年都監趙士訢張謐于潛鼎澧將沈敦張行中及
隊將五人同辭對曰淵等與知州一體皆不肯降尼
瑪哈令引于東北鄉望拜亦不屈乃解衣面縛殺十
三人而釋其餘安國一門無噍類

金幹里雅布尼瑪哈圍京城要帝出盟

幹里雅布自真定趨汴僅二十日至城下屯劉家寺

尼瑪哈自河陽來會屯于青城

有二一在開封府城北一在城南宋南北

郊齋宮也使劉晏來要帝出盟時西南二道援兵為唐恪

种師道于金兵
未至請幸長安
尚屬先事預籌
之見至唐恪當
圍城窘迫而復
請幸西洛不知

耿南仲遣還于是四方無一人至者城中唯衛士及
弓箭手七萬人乃以萬人分作五軍備緩急救護命
姚友仲辛永宗分領之以五萬七千人分四壁守禦
何鼎募奇兵皆操馭行乞羸劣之人未就紀律因作
亂殺使臣內前大擾斬數十人乃定都人又殺東壁
統制官辛元宗詔罷遣使以蠟書間行出關召兵又
民乘城代以保甲
約康王及河北守將求援多為邏兵所獲唐恪計無
所出密言于帝曰唐自天寶而後屢失而復興者以
天子在外可以號召四方也今宜舉景德故事留太

洛陽距汴城咫尺金兵既能至汴又何有于洛陽其謬固不待智者而知也何東既以格言為非自必能別行戰守之策而其所以引者亦不過老生常談試問東遷固為失計而不遷之得計者又安在乎議遷議守總屬虛言而已

子居守而幸西洛連據秦雍領天下兵親征以圖興復帝將從之開封尹何東入見引蘇軾所論謂周之失計未有如東遷之甚者帝翻然而改以足頓地曰今當以死守社稷

南道都總管張叔夜將兵勤王

叔夜聞召即日自將中軍令子伯奮將前軍仲雄將後軍合三萬餘人與金游兵轉戰而前至都下帝御南薰門見之軍容甚整入對言敵鋒甚銳願如明皇

之避祿山暫詣襄陽以圖幸雍帝不答時東道都總管胡直孺亦將兵入衛與金人遇于拱州兵敗被執金人示于城下都人大懼

復元豐三省官名

閏月唐恪免以何臬為尚書右僕射兼中書侍郎

恪從帝巡城為都人遮擊策馬得脫遂卧家求去御

史胡舜陟

字汝明歲州績溪人

劾恪知慮不能經畫邊事但長

于交結內侍令國勢日蹙誠不可以備位乃罷

馮澣至自金軍以為尚書左丞

澣與李若水至懷州金使蕭慶挾與俱還自後凡三遣慶來堅請帝出盟會

詔張叔夜簽書樞密院事將兵入城

朱子曰叔夜領兵合駐旁近以為牽掣且伸縮自如一入城便有牽掣所以迄無成功

金人約親王出盟遣馮澣曹輔輔于是月簽書樞密院以宗室受

盟金人不許

金人屯青城日縱兵攻掠殿前副都指揮使王宗濞

與金人戰于城下兵敗而遁

續綱目作宗濂敗死考宋史高宗紀建炎元年

以王宗濂引衛兵逃遁致都城失守
謫官安置是宗濂並未死事今改輯

金人攻南壁張

叔夜范瓊分兵禦之遙見金兵奔還自相蹈藉死者

以千數乃遣間使趣召諸道兵兵無至者城中惟衛

士三萬可用然亦什失伍六因時令挑戰以示敢敵

時雨雪交作帝被甲登城以御膳賜士卒易火飯以
進會天大寒士卒喋戰不能執兵有僵仆者帝在禁

中徒跣祈晴復幸宣化門
乘馬行泥淖中民皆感泣金人復來言不須上出城

請親王及何東往議詔越王往將行而尼瑪哈以兵

來近王乃止于是金人宣言失信攻城益急再遣使來趣親王出盟詔遣馮澥曹輔與宗室仲溫士訥如金軍以請和既至尼瑪哈即遣還不與交一語

詔康王構為天下兵馬大元帥

殿中侍御史胡唐老

字俊明宿曾孫

言康王奉使至磁為士

民所留乃天意也乞就拜為大元帥俾率天下兵入援何東以為然密草詔藁上之帝募令死士得秦仔劉定等四人遣持蠟詔如相州拜王為兵馬大元

帥知中山府陳遘為元帥汪伯彥宗澤為副元帥使
盡起河北兵速入衛存至相州于頂髮中出詔王讀
之嗚咽軍民感動

慧星出長竟天

郭京出禦金軍敗走京城破帝如金營請降

金人攻通津宣化門范瓊以千人出戰渡河冰裂沒
者五百人自是士氣益挫會大雨雪連日夜不止何
桌數趣郭京出師京徙期再三至是京盡令守禦人

下城毋得竊窺因大啟宣化門出攻金師京與張叔
夜坐城樓上金兵分四翼譟而前京所遣兵敗走墮
死于護龍河填屍皆滿城門急閉京白叔夜曰須自
下作法因下城引餘衆南遁

京逃至襄陽衆欲為亂張思正因而殺之

金兵遂登城衆皆披靡四壁兵皆潰金人焚南薰諸
門統制姚友仲死于亂兵四壁守禦使劉延慶奪門
出奔為追騎所殺統制何慶言陳克禮中書舍人高
振力戰與其家人皆被害京城遂破帝聞城破慟哭

曰不用种師道言以至于此衛士入都亭驛執金使
劉晏殺之軍民數萬斧左掖門求見天子帝御樓諭
遣之衛士長蔣宣率其衆數百欲邀乘輿犯圍而出
左右奔竄獨孫傳梅執禮吕好問侍宣抗聲曰國事
至此皆宰相信任姦臣不用直言所致孫傳訶之宣
以語侵傳好問譬曉之曰若屬忘家族欲冒重圍衛
上以出誠忠義然乘輿將駕必甲乘無缺而後動詎
可輕邪宣誅服曰尚書真知軍情揮其徒退

時都人
喧呼不

已華縣人王綸乘勢徑造御前曰臣能彈壓之帝解
所佩夏國寶劍以賜曰臣未有官帝取片紙書曰王
綸可除兵部侍郎綸下樓扶惡少數人傳旨撫定都
人乃息何臬以除命太峻補綸修職郎斥不用王
綸字正道旦弟勗之元孫何臬欲親率都民巷戰金人宣議和

退師乃止帝聞金人欲和而退命何臬及濟王栩使
其軍請成尼瑪哈幹里雅布曰自古有南即有北不
可相無也令之所議期在割地而已臬還言金人欲
邀上皇出郊帝曰上皇驚憂而疾必不獲已朕當親
往遂如青城尼瑪哈軍何臬陳過庭孫傳等從奉表

何鼎請率衆卷
戰似知徇國之
義者及從君出
降親聞金將議
欲另立宋主仍
去帝號不能痛
哭陳請以死力
爭乃轉喜和議
之成歸至都堂
會飲談笑若有
所慶幸者具如
此肺腸之人而
以為執政雖欲
不亡得乎

請降以金遺尼瑪哈幹里雅布二人言其主欲別立
賢君宜族中擇一人為宋國主仍去帝號帝默然何

桌喜和議成既歸都堂作會飲酒談笑終日

陳桎曰方幹里雅布北還宋廷宜為遠謀乃忽李綱
种師道之言上下相慶以為無虞曾不數月再致金
師當是時廟堂之相方鎮之將皆出于童蔡王梁之
門無可以係天下之望唯以割地請和為言未聞有
能出一計與之抗者是以金人之來如破竹然及
圍城逾月外援不至竟以妖術取敗吁可怪哉

十二月康王構帥師入衛次于東平

康王開大元帥府于相州有兵萬人分為五軍而進

康王聞君父之難並宜投袂入援而乃聽信奸言濡滯不進坐視家國淪亡此與梁湘東王不獲臺城何異宜乎南渡以後忍恥事讎貽譏後世也獨是康王出質金軍時當幹里雅布詰責而不為動似乎尚足有為何一旦惶怯至此豈前事云云固當

既渡河次于大名宗澤以二千人與金人力戰破其

三十餘砦履永渡河見王曰京城受圍日久入援不

可緩王納之既而知信德府

宋宣和中置今直隸順德府是

梁揚祖

以三千人至張俊

字伯英鳳翔成紀人

苗傳

上黨人履之子

楊沂中

字正

甫後賜名存中代州崞縣人

田師中等皆在麾下兵威稍振會帝

遣曹輔齎蠟詔至云金人登城不下方議和好可屯

兵近甸毋動汪伯彥等皆信之宗澤獨曰金人狡譎

是欲欺我師爾君父之望入援何啻飢渴宜急引軍

日史官溢美之詞不足盡信耶抑直一庸人遇大事惴然不能出一言史遂謂之不為動耶

直趨澶淵次第進壘以解京城之圍萬一敵有異謀則吾兵已在城下伯彥難之勸王遣澤先行王乃命澤趨澶淵自是澤不得預帥府事矣耿南仲及伯彥請移軍東平從之

帝至自金營遣使如兩河割地以畀金

帝還宮士庶及太學生迎謁帝掩面大哭曰宰相誤我父子觀者無不流涕先是金遣蕭慶入居尚書省凡朝廷事皆先關白及是復遣使來索金一千萬錠

銀二十萬錠帛一千萬匹于是六括金銀定京師米

價勸糶以賑民縱民伐紫筠館花木以為薪以陳過

庭折彥質等為割地使如河東北割地以畀金又分

遣歐陽珣

字全美吉
州廬陵人

等十二人持詔而往珣嘗上書

極言祖宗之地尺寸不可以與人復抗論當與力戰

戰敗而失地他日取之直不戰而割地他日取之曲

時宰怒欲殺珣乃以珣為將作監丞奉使割深州珣

至深州城下慟哭謂城上人曰朝廷為姦人所誤至

此吾已辦死來矣汝等宜勉為忠義報國金人怒執
送燕焚死之

范致虛會師入援至鄧州師潰

先是汴城圍急詔以致虛為陝西五路宣撫使督勤
王兵入援致虛會陝西節度使錢蓋師十萬至潁昌
聞汴京破西道總管王襄南遁致虛獨與西道副總
管孫昭遠

字顯叔眉
州眉山人

環慶帥王似熙河帥王倚帥步

騎號二十萬命馬祐昌統之以趨汴以僧趙宗印

汾州

孝義人為參議官致虛將大軍遵陸宗印將舟師趨西

京宗印又以僧為一軍號尊勝隊童子行為一軍號

淨勝隊致虛勇而無謀委已以聽于宗印宗印徒大

言實未嘗知兵及是師出武關至鄧州千秋鎮一作千金

鎮在鄧州西金將羅索以精騎衝之不戰而潰死者過半

王似王倚孫昭遠等留陝府致虛收餘兵入潼關致虛

之鼓行出關也裨將李彥仙曰行者利速多為支軍則舍不至淹敗不至覆若衆羣聚而出殺漚一蹴于

險則皆潰矣致虛不從遂底于敗李彥仙初名孝忠字少巖寧州彭原人

丁二年

金天會五年
以前為欽宗靖康二年

是年依前一歲兩條之例五月
以後為高宗建炎

元年

春正月詔兩河民降金民不從

陳過庭至兩河民堅守不奉詔至是復詔兩河民開
門出降民猶不肯

帝命太子監國復如金營

金人索金銀急且再邀帝至營帝有難色何桌李若
水以為無虞勸帝行帝乃命孫傳輔太子監國而與

東若水等復如青城唐恪聞之曰一之為甚其可再

乎閣門宣贊舍人吳革

字義夫華州華陰人

亦白東曰天文帝

座甚傾車駕若出必墮敵計東不聽帝至郊張叔夜叩馬而諫帝曰朕為生靈之故不得不親往叔夜號慟再拜衆皆哭帝字之曰嵇仲努力

河東割地使劉韜自經于金軍

韜至金營金人使僕射韓正館之僧舍謂韜曰國相知君今用君矣韜曰偷生以事二姓有死不為也正

曰軍中議立異姓欲以君為正代與其徒死不若北
去取富貴韜仰天大呼曰有是乎歸書片紙曰貞女
不事二夫忠臣不事二君況主辱臣死以順為正者
妾婦之道也此予所以必死也使親信持歸報其子
子羽字彥伯等即沐浴更衣酌卮酒而縊金人嘆其忠
瘞之寺西岡上遍題憲壁以識其處凡八十日乃就
飲顏色如生

副元帥宗澤大敗金人于衛州

澤自大名至開德與金人十三戰皆捷遂以書勸康

王檄諸道兵會京城又移書北道總管趙野河東北

路宣撫范訥知興仁府

宋崇寧初置今曹州府曹縣是

曾楸合兵入

援三人皆以澤為狂不答澤隨以孤軍進至衛南

隋縣

元省故城在今衛輝府滑縣

先驅云前有敵兵澤揮衆直前與戰

敗之轉戰而東敵益生兵至澤將王孝忠戰死前後

皆敵壘澤下令曰今日進退等死不可不死中求生

士卒知必死無不一當百斬首數千金人大敗退却

數十里澤計敵必復來乃暮徙其營金人夜至得空營大驚自是憚澤不敢復出兵澤出其不意遣兵過大河襲擊敗之

遼耶律達實建都于朔漠

號呼遼鄂爾多呼遼有力之稱舊作虎思鄂爾多亭也

遼以名宮帳舊作幹耳柔亦作幹魯柔今改

西遼主達實引兵東還行二十日得善地遂建都城改元康國以蕭鄂囉羅為都元帥率騎七萬東征以青牛白馬祭天誓衆興復鄂囉羅行萬餘里無所得

續綱目于此條作金刻上皇及后妃太子宗戚至其軍云云意在殿金不知金初未臣服于宋因宋人渝盟生變遂至兵連迨汴城既破欽宗具表請降則還其族屬乃伐國之常事于金固無

牛馬多死勒兵而歸達實曰皇天勿順數也

大風霾雲霧四塞

二月京城巡檢范瓊逼上皇及后妃太子宗戚如金軍吏部侍郎李若水死之

帝自如青城都人日出迎駕而粘默合留不遣太學

生徐揆衢州人上書金帥請帝還宮金人取至軍中詰

難揆厲聲抗論被殺金主得帝降表遂廢帝及太上皇帝為庶人知樞密院事劉彥宗請復立趙氏不許

可責而范瓊與
為宋臣不能捍
衛捐軀乃仰承
金將意指瓊逼
其弟后辭就犢
車舉族倉皇同
為俘虜則瓊之
為亂臣賊子實
春秋所必誅稽
時書法無當于
予奪大義固改
書之以正續綱
目之失且示斧
鉞之嚴為萬世
昭公道云

丙寅金人塹南薰門路人心大恐丁卯金人令翰林

承旨吳玠吏部尚書莫儔

字壽朋湖州人

入城令推立異姓

堪為人主者且邀上皇出城孫傳曰吾惟知吾君可

帝中國爾若立異姓吾當死之上表金人請立趙氏

不報京城巡檢范瓊逼上皇與太后御犢車出宮鄆

王楷及諸妃公主駙馬暨六宮有位號者皆行獨元

祐皇后孟氏以廢居私第獲免初金人以內侍鄧述

所具諸王皇孫妃主名檄開封尹徐秉哲盡取之秉

哲令坊巷五家為保母得藏匿前後凡得三千餘人
秉哲悉令衣袂相聯屬而往金人逼帝及上皇易服
若水抱帝而哭詆金人為狗輩金人曳若水出擊之
敗面氣結仆地尼瑪哈令鐵騎十餘守視曰必使李
侍郎無恙若水絕不食或勉之曰事無可為者公今
日順從明日當富貴矣若水嘆曰天無二日若水寧
有二主哉其僕亦慰解之曰公父母春秋高若少屈
冀得一歸覲若水叱之曰吾不復顧家矣金人又逼

上皇召皇后太子孫傳留太子不遣統制吳革欲以
所募士微服衛太子潰圍而出傳不從而密謀匿之
民間別求狀類太子者及官者二人殺之並斬十數
死囚持首送之紹金人曰官者欲竊太子出都人爭
鬪殺傷誤中太子因帥兵討定斬其為亂者以獻苟
不已則以死繼之越五日無肯承其事者吳玠莫儔
督脅甚急范瓊恐變生以危言警衛士遂擁皇后太
子共車而出傳曰吾為太子傳當同死生遂以留守

事付王時雍從太子出百官軍吏奔隨太子號哭太子亦呼云百姓救我哭聲震天至南薰門范瓊力止傳金守門者曰所欲得太子留守何預傳曰我宋之大臣且太子傳也當死從遂宿門下以待命若水在金營旬日尼瑪哈召問立異姓狀若水因罵之為劇賊尼瑪哈令擁之去若水反顧罵益甚謂其僕曰我為國死職爾奈并累若屬何又罵不絕口監軍搥破其肩嘆血罵愈切至以刃裂頸斷舌而死金人相與

言曰遼國之亡死義者十數南朝唯李侍郎一人

金人大括金帛殺戶部尚書梅執禮等

時金人邀索金帛每曰和議已定但所需滿數則奉

天子還闕執禮及禮部侍郎陳知質刑部侍郎程振

字伯起饒州樂平人

給事中安扶

熹之子

皆主根索四人哀民力

已困相與謀曰金人所欲無藝極雖銅鐵亦不能給
惟以軍法結罪或可窒其求會官者挾宿怨語金師
曰城中百萬戶所取未百一但許民金銀換米麥當

有出者已而果然金帥怒呼四人責之執禮等曰天子蒙塵臣民皆願致死雖肝腦不計于金銀何有哉顧比屋枵空無以塞命爾金帥問官長何在振恐執禮獲罪遽前曰皆官長也金帥怒先取其副胡舜陟等各杖之百過四人殺之而梟其首士庶莫不流涕憤歎

康王構次于濟州

王有衆八萬分屯濟濮諸州高陽關路安撫使黃潛

善總管楊惟忠亦以步兵數千至東平王遣真定總管王淵以三千人入衛宗廟金人聞之遣甲士及中書舍人張徵賈蠟詔自汴京至命王以兵付副帥而還京王問計于左右後軍統制張俊曰此金人詐謀爾今大王居外此天授豈可徒往因請進兵王遂如濟州既而金人謀以五千騎取康王呂好問聞之遣人以書白王曰大王之兵度能擊則邀擊之不然即宜遠避

金人議立異姓執孫傳張叔夜及御史中丞秦檜

吳玠莫儔復召百官議立異姓衆莫敢出聲相視久之計無所出王時雍問于玠儔二人微言敵意在張邦昌時雍未以為然適尚書員外郎宋齊愈至自金營衆問金人意所主齊愈取片紙書張邦昌三字示之時雍乃決遂以邦昌姓名入議狀張叔夜不肯署狀金人執叔夜及孫傳置軍中尼瑪哈召叔夜紿之曰孫傳不立異姓已殺之公年老大家豈可與傳同

死叔夜曰世受國恩義當與之存亡今日之事有死

而已金人皆義之太常寺簿張浚

字德遠漢州綿竹人

開封士

曹趙鼎

字元鎮解州聞喜人

司門員外郎胡寅

字明仲安國子

皆逃入

太學不書名唐恪書名仰藥而死已而時雍復集百

官詣秘書省至即閉省門以兵環之俾范瓊諭衆以

立邦昌意衆唯唯時雍先署狀以率百官御史馬伸

字時中東平人

獨奮曰吾曹職為爭臣豈容坐視乃與御史

吳給約中丞秦檜共為議狀願復嗣君以安四方且

順逆無中立之勢是非相去間不容髮張叔夜尚矣然張浚趙鼎胡寅之逃入太學而不署名已不免失之無勇至唐恪位居宰輔異姓之立豈可依違況既不惜一死何難

慷慨力爭書名
而死與不死何
異其有愧于孫
張多矣

論邦昌當上皇時蠹國亂政以致社稷傾危金人怒
執檜去吳玠莫儔持狀詣軍前邦昌入居尚書省
三月金立張邦昌為楚帝閣門宣贊舍人吳革率衆討
邦昌不克而死

金人勸進邦昌始欲引決或曰相公不前死城外今
欲塗炭一城邪適金人奉冊寶至邦昌北向拜舞受
冊即位號大楚遂升文德殿設位御座西受賀遣閣
門傳令勿拜王時雍率百官遽拜邦昌但東面拱立

閤門宣贊舍人吳革恥屈節異姓率內親事官數百人皆先殺其妻孥焚所居舉義金水門外范瓊詐與合謀令悉棄兵仗乃從後襲之殺百餘人捕革并其子殺之又擒斬十餘人是日風霾日暈無光百官慘沮邦昌亦變色惟時雍吳玠莫儔范瓊等欣然以為有佐命功邦昌心不安拜官皆加權字以時雍權知樞密院事領尚書省并權同知樞密院事儔權簽書院事呂好問權領門下省徐秉哲權領中書省邦昌

見百官稱予手詔曰手書雖不改元而百官文移必
去年號好問所行文書稱靖康二年百官猶未以帝

禮事邦昌唯時雍每言事稱臣啟陛下

時雍本為市
伍國利人謂

之三川牙郎至是又號為賣國牙郎開傳為
金人需索朝往暮還都人稱之為捷疾鬼時雍又

勸邦昌坐紫宸垂拱殿以見金使好問爭之乃止時

雍復議肆赦好問曰四壁之外皆非我有將誰赦邪

乃止赦城中而選郎官為四方密諭使及金人將還

邦昌詣營祖之服柁袍張紅蓋所過設香案起居時

雍秉哲并傳皆從士庶觀者無不感愴

夏四月金人以二帝及后妃太子宗戚三千人北去

上皇聞張邦昌僭位曰邦昌若以節死則社稷增重

今既尸君之位則吾事決矣因泣下霑襟至是幹里

雅布脅上皇太后與親王皇孫駙馬公主妃嬪及康

王母韋賢妃康王夫人邢氏等由滑州去尼瑪哈以

帝后太子妃嬪宗室及何棗孫傳張叔夜陳過庭司

馬樸

字文季
光從孫

秦檜等由鄭州去而歸馮澥曹輔孫覲

汪藻

字彥章饒州德興人

郭仲荀等于張邦昌邦昌率百官遙

辭二帝于南薰門衆慟哭有仆絕者凡法駕鹵簿皇后以下車輅鹵簿冠服禮器法物大樂教坊樂器祭器八寶九鼎圭璧渾天儀銅人刻漏古器景靈宮供器太清樓秘閣三館書天下府州圖及官吏內人內侍伎藝工匠倡優府庫蓄積為之一空初金人將還議留兵以衛邦昌呂好問曰南北異宜恐北兵不習風土必不相安金人曰留一員勒統之可也好問曰

貝勒貴人有如觸發致疾則負罪益深金人乃不留
兵而去宗澤在衛聞二帝北行即提軍趨滑走黎陽
至大名欲徑渡河據金人歸路邀還二帝而勤王之

兵卒無至者遂不果

上皇離青城金人以牛車數百
乘載諸王後宮章駕者不通華

言至邢趙間斡里雅布遣郭藥師迎謝上皇曰天時
如此非公之罪藥師慚而退斡里雅布請王婉容位帝
姐與尼瑪哈次子作婦許之至燕山館于延壽寺帝
自離青城頂青毬笠後有監軍隨之包鄭門而北每
過一城輒掩面號泣至代工部員外郎滕茂實號泣
迎謁茂實益嘗副路允迪出使者尼瑪哈逼茂實易
服茂實力拒之見者墮淚茂實請侍舊主俱行尼瑪
哈不許帝遂從代渡太和嶺至雲中
滕茂實字彥

王時雍等擁戴邦昌已甘心為僭竊之臣好問小黠乃首廢康王正位之議且止金人之留兵通濟州之聲問得以漸杜姦謀其功固為可錄但當議立邦昌時不問好問畧為爭執而權門下省之拜又受其偽署而不辭則

潁杭州臨安人太和嶺在今朔平府馬邑縣東南勾注之支也

張邦昌號哲宗廢后孟氏曰太后

呂好問謂邦昌曰相公真欲立邪抑姑塞敵意而徐為之圖也邦昌曰是何言也好問曰相公知中國人情所向乎特畏女真兵威爾女真既去能保如今日乎大元帥在外元祐皇后在內此殆天意盍亟還政可轉禍為福且省中非人臣所處宜寓直殿廬毋令衛士夾陞敵所遺袍帶非戎人在勿服車駕未還下

知後之所為非
始終忠于宋蓋
現知人心未厭
宋故為急轉之
機以避禍邀名
所謂小人之尤
耳

文書不當稱聖旨為今計者當迎元祐皇后請康王
早正大位庶獲保全監察御史馬伸具書請邦昌速
奉迎康王極陳逆順利害邦昌讀其書氣沮乃尊元
祐皇后為宋太后迎居延福宮而遣人至濟州訪康
王其上太后冊語有曰尚念宋氏之初首崇西宮之
禮蓋用太祖即位迎周太后入西宮故事識者有以
覘邦昌之意非真為趙氏也

邦昌令譚世勣李熙靖
同直學士院皆稱疾卧

不起憂憤而卒時工部侍郎何昌言與其弟昌辰皆
避邦昌諱改名獨司門郎徐俯置婢名昌奴客至則

呼前驅使之
李熙靖字子安常州晉陵
人何昌言新淦人徐俯字師川禧之子

御批歷代通鑑輯覽卷八十二